

雜

劇

三

集

京兆眉

南山逸史著

**西江月**

末上。久卸名韉利鎖。閒調象拍。鴛鴦。怎奈  
故宮禾黍。斷人腸。無計把雙眉安放。才子殷憂  
南畝。佳人冷淡東牆。婦隨夫唱。見明良。遙羨那眉  
畫當年張敞。

正名

忙京兆撇不下細君恩愛

聖天子饒得過太守風流

第一齣待描

京兆眉

燕歸梁

生扮張敞冠服上鞦韆頻年盜賊猖蒙特

簡坐黃堂一心鋤莠護愚良能發斃靖搶攘集唐

銀燭朝天紫陌長衣冠身惹御爐香盧家少婦多

愁思海燕雙棲玳瑁梁小生張敞字子高河東平

陽人也家秉儒風心留吏治用法雖尚深嚴存心

實本平恕近日鞦韆之下羣盜縱橫黃霸諸公俱

不勝任聖人特簡下官爲京兆自到任以來密用

老偷計擒諸盜目下人人鞦韆桴鼓不鳴且喜畿

甸肅清士民樂業得以樂我闔帷今日早朝夫人

熱息料他春睡正濃。我且漫歸私第。過好友楊子  
幼處。閑談一番。正是義將私愛隔。情與故人歸。下

### 七娘子

且扮張夫人。便服嬾妝。二侍女。嫣然羽衣。

隨上深居繡閣幽還亮。相夫君能抒忠讜。家室咸  
宜。儀容俊朗。更逢景值朱明暢。集唐子心適無事。

京兆小齋寬。竚立望夫君。蛾眉生翠寒。妾身自嫁  
張郎。琴瑟和諧。芝蘭早種。屢膺封誥。魚軒之寵。不  
替闐闐燕爾之歡。我相公秉性太剛。未能和光混  
俗。存心却怨。頗解惜玉憐香。今日朝謁去了。想不

此秀第  
移  
〔梳題目〕

又回衙、我且曉妝則個、對鏡介

〔題〕

嬾書眉宜春髻整漫安黃。

更衣介綽約腰肢嬾下

堂生來愛著紫羅裳。好花欲插誰簪向。因此上細

對菱花自酌量。

〔小旦〕犀管筆螺子黛在此、請夫人

畫眉。〔旦〕媽然、你那裏知道、

〔題〕

前腔春風人面兩相將。欲鬪雙蛾幾許長。待將宜

稱問檀郎。

〔小旦〕老爺怎能教就回。些時不見添惆

悵。〔內作唱道介〕猛聽得花外鳴珂逼粉廊。

〔題〕

不是路。生衆上身出明光。日色瞳矓照上方。〔衆合

朝初放。天街鳴玉散玳瑁。進公堂。人聲似沸。須臾  
靜。案牘如山頃刻償。左右公事已完。打道回私衙  
去。衆應行。介生都停當。只深閨未了。風流帳。遠山  
懷想。遠山懷想。衆已到私衙門首了。生你們散罷。  
見旦介夫人拜揖。旦相公萬福。生夫人已妝成了。  
**嬾畫眉**風和正好共持觴。獨秀蛾眉翠帶長。爲甚  
的不施螺黛似啼妝。旦相公非是我含顰不語多  
惆悵。只爲你抹月批風手最良。生持筆欲畫介  
**前腔**抽毫拈黛費思量。夫人眉的樣兒。要日日變

換方能助媚增嬌似月如弓未可方無言靜正自  
生光春山高映秋波上畫出修眉世少雙小旦夫  
人的眉兒與昨日又不同了曲曲纖纖不濃不淡  
真個嫵媚得緊旦多謝相公整容拜介

**梧桐樹** 鶯花正艷陽風月人隨唱一寸眉峰直恁

關情況笑他家妝樓空對遙山想玉鏡臺前祇自  
商誰似你奇擎拂拭就清賞惟願取鸛篋無疆鴛  
肩長傍生夫婿恩情誼當如此何足言謝旦妾已  
備有一樽與相公略賞花前嫣然羽衣送酒旦遞

酒生轉奉介

**畫眉序** 白晝喜初長。景物融和人意爽。見黃鸝喚

樹紫燕棲梁。繡幃中一繖鸞翔。妝閣上兩行珠晃。

合人間自有丹丘享。又何羨紫綬金章。

羽媽

**前腔** 眉翠自雙雙。女貌郎才恁相做。看鹿車前導。

鳳羽同鏘。結褵時攜手相將。種玉後齊眉無恙。

**前生** 夫人且喜近日民安盜息。任及瓜期倘能轉

一閒官。我和你好盡于飛之樂。且如此却好雜扮

送報人上。院子接介。生看介。吏部一本爲考滿事。



京兆尹張敞、任滿稱職、奉聖旨張敞、考覈稱職、著  
加陞一級、復任三年、**對**且如此、恁了、**旦**相公有陞  
擢之榮、爲何不喜、**生**夫人有所不知、京師地面五  
方雜處、中貴外戚、倚勢爲非者儘多、我連年執法、  
獲怨實深、國法久而易撓、人情久則生玩、故說到  
久任、我不覺攢眉、**且**雖則如此、且開懷再飲數盃、  
**滴溜子**羽媽歌喉亮、歌喉亮、悠游繞梁、腰肢宕、腰  
肢宕、飄飄羽裳、一任玉山頽放、鈎簾看夕陽、追歡  
無量、恰銓曹奏最宸綸褒獎、**生**夫人、我已醉了、

尾聲

物情到久難安放。免不得生憎速謗。

旦相公

且放下眉兒自有重瞳作主張。

集唐

且看君幾歲作臺郎。生侍女新添五夜香。

合眉黛奪將萱草色。更將明月照流黃。

第二齣眉嫵

探春令

小旦艷妝扮楊夫人二侍女隨上香闥盡

畫遠山眉怪伊行獨美。效顰人欲把殘螺拾。怕學

不像天然媚。柳競腰肢花競容。芳菲各自鬪春風。

朝來一樹天桃發。何事南枝別樣紅。妾身趙氏出

京兆眉

五

眉之難畫  
在楊夫人  
說出是替  
換法

自名門、歸于華胄、非獨女紅素擅、亦且音樂旁通、  
月下調箏、銀甲不輸螺女、花間鼓瑟、冰弦豈讓湘  
靈、丈夫楊憚、煌煌相裔、見任光祿勳、妾因夫貴、叨  
封淑人、近日京師宦家富室、共尚畫眉、妾問相公、  
女人的容顏、千嬌百嫵、難道只在這兩道眉上、相  
公說、看無正位、處額黃之旁、居翠睂之上、地步占  
得極高、色有奇妍、如兩峯之映、似初月之昇、姿態  
極難描寫、所以眉不是好輕易畫的、如今只有一  
家畫得好、妾問是誰家、相公說、外來共傳京兆眉

嫵不知他怎生一樣畫法。享了這般大名。前日會著魏相國的夫人也極艷慕他。要圍一面。他知我相公與張京兆兩相契厚。要我做一主人。請來吃酒。好仔細觀看。學他些法兒。我想入官生姪。螺調豈肯授人。見美捧心。鄰態還須審己。各人有個本色。學他也無用。只是我已應承作主。今日整治筵席。著人去邀。想兩位夫人。即便到來也。

**剔銀燈**

丑扮魏夫人淨扮侍兒隨上五花譜宣來  
無媿七香車坐來偏媚粉容膩澤穿霞帔只眉毛

不十分爭氣難醫待從師學繪博得個名揚帝畿。  
楊侍兒傳介魏夫人到了小旦接見各拜介丑揚  
夫人你的眉今日忒畫淡了停會張夫人來看見  
要笑你家裏沒有作料小旦古人說得好眉宜淡  
掃况奴家容貌粗醜經不得濃描魏夫人你的眉  
今日畫得加工可愛得緊丑不要說起一日費了  
兩三日的作料只怕張夫人來還要加工似我小  
旦不曉他怎麼樣的畫法到來便見丑不要管我  
和你兩個的眉一濃一淡他若是濃的有我、可以

賽得過他、若、是、淡、的、有、你、可、以、賽、得、過、他、小旦魏  
夫人說甚麼相賽人之不同、有如其面、各有好處、  
何須羨慕他家、了、鬢、張夫人一到、即便請轎進來、

**番卜算**

旦二了、緊隨上、女伴共招攜、早把雙蛾繪、

檀郎怕與衆山齊、畫就還凝睇、小旦丑共迎見介、

旦未屈蓮與、何當先召、小旦素欽閨範、欲侍清儀、

丑疑視旦眉扯小旦輕語介、名不虛傳、果然畫得

官樣、小旦勻淨得緊、愈淡愈妍、旦二位夫人爲何

頻顧奴家、唧唧噥噥、想是奴家穿戴有些不周、因

此見笑麼。小旦夫人不是奴家與魏夫人私語。只因傾都士女。盛傳夫人黛色超凡。修蛾入畫。今見尊容不勝健美。旦慚愧。丑夫人。你這眉用甚麼東西畫的。有這許多彩色。我的眉畫了。若畧有些汗出。就要流到臉上來。夫人。你若肯把法兒傳我。就從此拜你爲師。終身投門生帖。旦笑介。奴家也不會畫。另有一個畫眉師哩。

**掉角兒** 念奴家倦腰肢。難勝帶圍。祇不過抖精神。自梳雲髻。倚妝臺。備施黛煤。倩旁人代填螺翠。丑

扯小且耳語介我說道定有人傳授的自家怎麼  
畫得來問且請問那箇女師父如今在那裏且那  
人呵坐黃堂盟白水戴烏紗懸紫綬鐵面風儀小  
且這等說是個男子漢又像個狠人了丑如何會  
畫眉問且介你實實對我說明果是做官的我家  
丈夫當朝宰輔個個官兒俱相處的只怕他不把  
方法傳我他姓甚名誰且他是個人中傲吏星中  
耀奎媿我這釵荆裙布得捧盤匱小且笑介夫人  
你好善歌謠聽了這半日纔知道眉是張老爺替



你畫的丑他是男子漢、那曉得畫法定有一個楷  
兒、照樣描寫、

**前腔**

小旦止道你對菱花、親身和煤、却原來調羹

手、從旁點翠、天生你競風流、佳人占魁、又有個助

窈窕、才郎作對、卽此一事、可見夫人與張老爺、是

極恩愛的了、懸想你理瑤琴、調錦瑟、伴金蓮、攜玉

笋、都似雙眉、前生夙配、今生唱隨、鎮日裏端詳、拂

拭眉、翠橫飛、丑怒高聲介、老烏龜、老不死、這等可

惡、小旦驚介、夫人爲何罵將起來、丑我不是罵別

人的丈夫、是罵自家的男子、方纔聽張夫人的話。他嫁得這等有恩情會幫襯的著哩、偏我家的老兒、只想做高官、食厚祿、終日擡著眉頭、說皇爺難答應、那有工夫、炤管妻子、因此恨他、不覺罵出口來。

**前腔** 丑 非是我咒你罵伊、只恨他不伶不俐、一般的天生兩眉、爲恁麼我姪人媚他、止曉做官腔、媒高位、看文移、勤拜客、那願房帷、兩位夫人、我如今恨這老賊、以後不復脩飾了、玉容任悴、鉛華嬾施。

再不想風流窮窳名播深閨。且小夫人不要煩惱請

用奴家一杯酒。楊侍兒酒筵俱已齊備了請夫人

上席。小旦欲送席介。旦夫人總是通家不消多禮

各坐了罷。小旦這等謹依尊命了侍妾們送酒老

旦衆送酒介

泣顏回。小旦纖手捧金卮侍立兩行珠履氣清秋

爽偏增玉人眉翠。作樂介秦箏趙瑟奏霓裳幾曲

搖環珮。遇鸞儔愁放雙眉。詰螺筆盃空雙鬢侍兒

們攜酒到翠環亭去行介

千秋歲

小旦旦丑合酒頻催。花下陳肴盞。我和你

女。知。己。易。別。難。會。比。不。得。男。子。朋。儕。男。子。朋。儕。要。

相。逢。無。拘。無。繫。侍。兒。合。况。有。這。闌。干。外。禽。聲。碎。簾。

櫳。內。歌。聲。沸。夕。炤。添。明。媚。把。金。樽。罄。倒。玉。管。齊。吹。

丑二位夫人。我和你婦人家。也要賞罰。那丈夫方

肯盡心供職。今日我們回去賞的要賞。罰的要罰。

小旦這等夫人。今晚怎麼樣發落魏老爺。丑我沒

有甚麼講。只是抓破他臉皮。叫他進不得朝。二旦

忒利害了。丑法須用嚴。楊夫人。你今日怎麼樣發

落楊老爺。小旦奴家的丈夫，自矜會做文章，只罰他做一篇眉賦罷。  
丑那張老爺應該賞的，張夫人你用何物賞之。  
旦夫妻敵體，如何好說賞麼。  
丑張夫人的賞賜不好明言。我知道了。張老爺把這話兒奉承夫人。張夫人免不得將那話兒酬謝了。  
旦各笑介。

**越恁好**

小旦合樽前開笑口。樽前開笑口。急攘攘

象板催翠環亭座側。尋百草。佐嬉戲。碧溶溶。沼溪碧溶溶。沼溪見亂紛紛。晚鷗兒齊下柳枝。  
旦天色

日晚奴家不能飲了。小旦還求少坐張夫人用了些酒。越有丰韻了。嬌滴滴兩頰嫩生生紅暈兒。遙映額眉。一身上百歲中。只有雙眉麗。向花前解盛。月下招喜旦丑夫人。奴家已醉告辭了。小旦求立飲幾杯。衆送酒唱。

**紅**臨行再奉三盃。三盃花前立飲無違。無違情未竭。典重回。堆笑展愁眉。玉山並任將頹。

**尾聲**丑歸家各去論功罪。小旦只有知趣夫君免。

**吃齋合**從今後懼內的官家。也要學畫眉。

集唐

小旦新妝可憐色

深坐嘖蛾眉

合相送情無限

重游預作期

第三齣盜僧

秋夜月

大淨副淨扮張貝李戎合唱上賊眼睛賊

骨生成硬賊頭賊腦人難認賊贓專助贓官興耐

秦張敵的法狠甚計兒保命但說其餘非我能專

行劫掠度朝昏相逢不用通名姓世上於今半是

君我兩人張貝李戎的便是祖居積善坊下善取

諸人一味分人之財日見其進家計漸漸肥饒置

有田產童僕、自家也不動手了、遂把衣鉢傳于後生小子、安享他些貢獻、你說這犖轂之下、如何容得咱們、只因官府愛錢、受了我們的賄賂、猶鼠同眠、那些捕盜的公人、反替我們做向导、官府便是我們的護身符、還怕誰人來算計、尉奈京兆尹張敞、這個天殺的、生來清硬、又且巧計絕倫、密召我們、分付如此、如此、我只得獻計、拿了我許多同寮、害了我許多高足、咳、我也是怕他嚴刑酷法、勉強相從、那裏是真心革面、肅待他三年任滿、我學生



依舊跳梁、可恨天不從人、皇上道他清正、叫他復任三年、恨頓足介唔、我老偷守到幾時、方得高枕而眠、那些徒子法孫、何年是個出頭的日子、我定要用計害了他、急切裏沒有個心腹人商議、只有一個小偷、名喚錢智、到有計謀、得他來便好、

破金歌

丑上 咱們家住京城下、祖傳流東淘西摸、

近來因甚少生涯、怕張衙、除了弄衙天不怕、二淨難道天好不怕的、丑我不但不怕、我還要丟偷他哩、淨笑介、好、這纔算做偷天妙手哩、兄弟來得巧、

正有事商量、我輩日用、無非靠著一個偷字、自從張敞到任、可敢去胡行亂做麼、他如今又復任三年、你我豈不餓死、湏設個法兒害了他、方好出頭做事、**丑**我計倒有一條、只是要用些銀子、淨驚介正爲沒銀子用、要去偷、如何反用起銀子來、**丑**你那裏知道、小錢不去、大錢不來、如今這樣世界、那一個官府、那一樁事體、肯放過了銀錢麼、科道、衙衛衙門、無非張網待魚、一味捕風捉影、終日打聽人家閒是閒非、我輩尋些事件送他、便是大書帕。

差他上個本也費不多本錢。淨介說雖如此說也。要一兩件有憑據的事，纔打發得他動身哩。丑做思忽跳笑介，有了有了，他不修邊幅，時常走馬章臺，又不理政事，鎮日替他夫人畫眉。淨這事也小，怎壞得他官。丑說那裏話，如今京師遠近，共傳京兆眉嫵，引誘得宦戚人家，爭效新妝，日趨妖冶。近日又縱容妻子到楊惲家飲酒，是個實證，明犯著居官不謹，敗壞風俗之條，怎麼不該壞官。淨拍手大笑介，有理有理，卽當依計而行。

四邊靜

合

冤家做下成刎頸。特把彈章倩盜賊亦

貪生殺了須償命。章臺馬逞。妝樓眉靚。任你巧枝  
吾事實難徼倖。張敞張敞。不是我們要擺佈你。你  
要自反。

平生偏作皺眉事。世上應多切齒人。搖擺下

第四齣 主聖

外扮蕭望之。小生扮楊惲。袍笏上。集唐五夜疎鐘  
曉箭催。瞳瞳初日照樓臺。山呼聖壽烟霞動。仗下  
疑從碧落迴。外下官漢朝丞相蕭望之是也。小生

下官光祿勳楊惲是也。今日主上臨朝，宜召吾輩，不知有何諮詢，只索在此伺候。相揖介。內作樂介。

**夜行船**

末扮漢宣帝內侍儀仗隨上。涼德承床司

大寶愁壅蔽。曉夜心勞。側席求賢，虛衷納牖。要把明良風效。寡人漢宣帝是也。承列祖之貽床，守萬年之神器。常思朔守並難，惟恐聰明不逮。用人爲治亂之源，擇相乃安危之繫。朕尤注念。那京兆尹張敞，頻年直諫有聲。近日誥奸著績，朕正要他用他爲相。誰料昨閱本章，有人彈劾說他章臺走馬，不

守官箴、閤閣畫眉、有荒政務、二事未知虛實、且待  
朝臣到來、面問一番、外小生叩首介、外臣蕭望之  
朝見、小生臣楊惲朝見、末二卿上殿、有話相諮、外  
小生近前侍立介、陛下有何宣諭、末寡人見張敞  
才品俱優、正思重用、近日有人論他走馬章臺、爲  
嬾畫眉二事、朕在疑信之間、二卿所聞若何、外  
庭馳逞、臣未深知、至閤房曖昧之事、尤難詳察、不  
敢妄言、只是敝爲人才、斷有餘器、量不足、恐難充  
綸扉之選、末楊卿云何、小生臣啟陛下、張敞堪任

不堪任、非臣所知、只是走馬畫眉、臣料其無此事、  
未怎見得、小生京師向來盜賊公行、自從張敞又  
任、羣盜消弭、不過畏其威耳、敞怎肯章臺走馬、自  
衰威嚴、況皇都重地、政務殷繁、簿書鞅掌、張敞絲  
理不服、那有工夫替妻子畫眉、以此料其必無、未  
二卿的話、亦是有理、不免召他面鞫一番、卿且退  
朝、內侍們快傳張敞來、衆應高傳介、外小生朝議  
何能定、宸衷自有裁、下生袍笏上、描黛筆初停、傳  
柳吏又驚、忽聞君命召、不俟駕而行、叩見介、臣張

敝見陛下、末張敞、你自省有過失麼、生微臣愚昧、  
歷任以來、罪狀山積、但未知過端何在、末京兆尹  
不爲卑官開職、你如何章臺走馬、自失觀瞻、爲嬾  
畫眉、致荒政事、這兩樁事、可是真的麼、生免冠叩  
首、介這二事委實是真、末既是真、可不大負朕之  
任用麼、生請息天威、容臣詳奏、皇上用臣、無非欲  
消弭奸宄、肅清畿甸、向來盜賊潛踪、半在章臺妓  
館、臣要親身巡緝、恐爲盜賊所知、不敢多跟儀從、  
只用便面自遮、走馬而過、至於畫眉、臣不敢諱、自



從有夫媼一倫。就有無限隱微之事。若說起夫婦私情。更有甚於畫眉者。臣任事已將六載。執法不撓。招怨實多。念微臣呵。

**三換頭** 恩叨郡爵。怎不將奸除勦。况狐踪兔跡。每鶯花與豪臣也。明知兇暴。這其間只得用悄地行。密探賊巢。回到閨房也。婦眉曾淡掃。直告君王。更有那恩情難畫描。二事皆臣之小過。若不從實供招。便是欺君了。

**煎腔** 蛾眉翠銷。馬蹄閑裊。念踰閑罪小。若敢肆虛。

器獲罪於天無禱。這其間只得把蠢愚情椿椿直  
告宥放田園也。儘耕應共老。頂踵高天免使那讒  
人逞畫描末。朕知道了。你且回私寓聽旨。生叩謝  
下末。鳳輦出朝。紅日映袞衣。歸殿彩雲隨。末衆下

**虞美人**

旦忽聞夫婿遭浮議。褪却眉邊翠。生急上

天威咫尺自供招。回到私家候旨暗魂銷。見介旦

相公。聖上問些甚麼來。生夫人說起來好笑。下官

在私宅中與你畫眉。又曾於閑暇時向章臺走馬  
數次。這也是極平常的事。不知那銜恨的小人。竟

將此二事做了本頭。皇上因此召我詰問。且你怎  
生答應。生下官一一承認了。且驚過無大小。總要  
罷官。况畫眉之事。如何好對聖上說。

**黑麻序**

心焦賈禍貽嘲。只雙眉驚動九重。宣召把

你這雙魚五馬。斷送在添煤嗅稿空勞。方知色是  
刀。做不得妻賢禍不招。恨難消。反不如濃眉醜婦  
封誥堅牢。生夫人不須憂慮。下官怎麼敢君父之  
前欺隱。不但招承。反暢說一番言。夫嬾恩情。閨房  
狎昵。不止畫眉一端。且聖上不動怒麼。生不見其

喜怒只分付回家候旨。我想聖上精明、反喜我直  
慙不可知。萬一怒而罷斥、我宦情原淡、直性難移、  
丟了這個俗吏。終日與你畫眉。或者愈加工緻。這  
豈不是聖恩。

**前腔** 休焦。宦海波濤。便無風靜浪。也能傾棹。趁風  
流罪過。早行高蹈。辭勞章臺馬。任跑妝樓蛾。任描  
更誰嘲。這番貝錦成就風騷。小生扮內官捧詔末  
隨上。玉珮明璫製。官衣舊袞裁。口銜天憲。出身帶  
御香來。聖旨下。跪聽宣讀。生且俯伏介。小生。皇帝

詔曰。朕聞有夫婦。然後有父子。有父子。然後有君臣。故淑女之求。姬文于焉宣化。如賓之醴。郤缺用以彰身。茲爾京兆尹張敞。才優學裕。手敏心閒。忽被人言。摘其閨閣畫眉一事。致煩朕詰。乃云房幃之隱多端。閨中曲筆。畫成好合之形。殿上直言。吐出勿欺之慄。洵爲人倫之克踐。夫豈細行之弗矜。卽著供職。并叙成勞。張敞進階一級。特賜通天犀管十枝。螺子黛一升。以供伊妻畫眉之用。嗚呼。嬾是齊眉。尚退食不遺其嬾。君爲元首。豈進思忍後。

其君爾益篤匪躬之節。無墮前修。朕自弘錫類之  
仁行有後命。欽哉。謝恩。生且謝恩。起介。小生已申  
三錫命。歸復九重天。下生且喜介。生夫人我好天  
幸也。且這都是相公平日居官清正。有當聖心。故  
反罪爲功。變災成福。奴家亦邀此奇榮。合當拜謝  
相公。生且拜介。

**錦衣香** 罪已饒。恩翻冒。福怎消。天頻禱。把風流太  
守名彰。讒人興掃。且自憐。陋質不堪描。一經點綴。  
嫖母增嬌。生夫人你我不可虛了聖上洪恩。羽衣

媽然快將螺子石研起來。待我用御賜通天犀管  
細細與夫人描畫。夫人請端坐。旦怎麼敢。生用筆  
畫眉。介把黛螺細碾。試織織內府霜毫。合斗室祥  
雲繞。把遠山籠罩。雖非八彩也稱雙耀。生夫人你  
的眉兒不比往常了。是受過勅封的外來人傳誦。  
上個徽號叫做京兆眉。好不十分尊貴也。旦侍兒

大笑介

漿水令

生看眉兒從今越標。笑聲兒從今越高。聖  
明昭徹。晰秋毫。夫妻燕婉。天倫酬酢。又不是鑽穴

隙將東家抱。任教漏泄風情稿。合闕倫化。闕倫化。  
淑女非遙。敦恩愛。敦恩愛。琴瑟重調。

**尾** 瀛勸世人莫把眉輕掃。險被讒言骨也銷。須知  
道臣直君仁不世遭。

集唐

生枝鬪纖腰。葉鬪眉。且風流御史報人知。  
合獨慚皇鑒明如日。敢負吾君作楚詞。



翠

袖

子

翠鈿緣

南山逸史 著

西江月

末上達士常安義命。痴人多費周旋。算來

無事不繇天。且把婚姻劇演。姻簿月中註定。紅絲  
暗裏牢牽。利刀一刺轉嫣然。認取翠鈿嬌面。

正目

曾行刺的韋家郎。拘不過荒唐月老。

巧貼翠的种氏女。掩不過嫵媚刀痕。

第一齣 諧姻

夜行船

生巾服上裘馬翩翩。誇上乘。凌雲志直恁。

翠鈿緣

縱橫。偃蹇星期。蹉跎雲路。搔首向天頻問。

集唐明

時不敢卧烟霞。駉駉何年別渥洼。紅粉樓中應計日。馬蹄今夜入誰家。小生韋固字孟堅。節度韋公長子。家本石城。遷居六合。倜儻好奇。喜讀書。復工擊劍。遭逢不偶。未跨鳳先。效攀龍。若論先人恩蔭。該襲千牛之職。只是小生羞稱統綽。志在科名。先君在日。曾聘下年伯潘昉之女爲妻。止因游宦各天。未諧花燭。卽今寶應初年。進京應舉。來此是宋城客寓。旅况無聊。今夜月色如銀。萬籟俱寂。怎生

睡得合眼，不免到平林之下，閉步一回，則個行介。

**大師引**

皓魄痕似秋水連天浸，怕孤眠把愁心夜

捫你看梧葉驚風，蛩聲咽露，又早是涼秋景色也。

悲逆旅，忽驚秋色，寄征衣，誰搗寒砧，只爲想瓊林

宴後纔合，因此上遲賦三星，非是俺貪孤另，青

年老成，辜負了捫香弄玉芳齡。虛下末皓髯策杖

丑扮童子負書上

**前腔**策杖行紅塵徑，小奚囊包羅甚精，小仙何登

者是，卽吳剛之化身也，月中持斧，世上伐柯，摘來

豈獨婚姻  
爲然

幾片樓檉葉散作人間並蒂蓮。只爲世人見了美  
色。輒生覬覦。不知婚姻有箇大數。上帝所重。不亞  
於壽命功名。世人如何妄想得。以此小仙暫下塵  
寰。畧施點化。那濁世緣深緣淺。都是俺註定疎親。  
竒謀巧計空自騁。怎知道天意難爭。倒不如安天  
命。把絲蘿順承。反得箇唱隨琴瑟和鳴。童兒取書  
過來看者。丑通書看介

**宜春令** 青雲境。白玉京。天眼無遮。把姻緣註明。親  
疎好醜。算來沒得些兒剩。一任你燕想鶯求。怎逃

他絲絲牽定。囊中出赤繩。介此繩一繫。不管你貧富貴賤。是遠是近。若老若少。免不得成雙作對哩。好一似大海歸萍。說甚麼歲月淹沉。管教你齊眉交頸。我想那男女配合。有意料所不及的。真非人所能爲也。

**前腔** 花無意。水有情。等閒間姻親締成。我這繩兒呵。不止爲人作合。還要拘他狂逞。那些男女自墮地時。把他腳踪早已牢拴定。目下一樁公案。說來却也可笑。有個韋生呵。他待要厭棄姻親。一謎價

胡行私騁。誰知道七首多情。起死回生。合婚時還  
有個翠鈿爲證。道猶未了。遠遠望見韋生來也。

大師圖醉

生上

大師引

愛蟾明深入扶疎徑。

見末

介爲甚的翻書苦辛。他飄飄的林中讀易。反愧俺  
步月閒行。前太平思省。我待學石渠天祿校書人。

正沒個青藜光近。

向末揖介。老叟拜揖。末起回揖。

介郎君何來。生小生韋固。因進京求取功名。信宿

于此。大師引。因耽著練痕玉影。又誰知夜眠遲。遊

得同心。老翁月下尙然讀書。極是留心功名的了。

惟其不測  
所以天定

請問所讀何書、**未**功名二字、非我所司、亦非我所  
知、我乃月下老人、專管人世婚姻之事、此書乃婚  
牘也、**生**原來如此、失敬了、**舉手介**請問老翁、如今  
婚姻之事、變動不測、或以勢合、或以貧離、秦越異  
地、老少異年、風波在枕席之間、豺虎出簪纓之冑、  
野合堪羞、化離增歎、有財則破鏡重圓、無勢則鸞  
膠難續、目前的怨女曠夫、勞人思婦、這難道也是  
書上註定的不成、**外**郎君何出此言、

**前腔**這根苗端的繇前定、似銅碑鐵板刻成、取繩



示生介生這繩要他何用。外若繫了這綠紅線。總  
睽違畢竟完成。外大約男女婚媾皆係五百年前。  
三生石上會面之時。以一笑爲定。那主婚使者以  
赤繩牽繫兩人之足。雖仇如吳越。遠至萬里。終做  
夫妻。如今世上人欲圖能倖。豈不是妄想麼。須信。  
三生石上結同心。諸百歲夫妻有準。莫把個塵緣  
覷輕。就是幾夕同衾。碧海蒼天也。照人。生舉手問  
介既如此說。小生自幼聘定潘昉之女爲妻。煩老  
翁一查。可有在上面否。外查介潘氏非郎君之配。

生驚介這等小生的妻子是誰。外又查介君婦纔二歲十五年後始入君門。生惱介此女姓甚麼如今安在。外此去三十里店北地方有賣菜陳媪懷揣的女孩便是。生冷笑介豈有此理。

**三學士** 潘女芳年相廝稱佳期指日當遂。反將襁褓更前定。教我等得黃河甚日清。若到十五年來方合套。他那裏眉初畫。我這裏鬢已星。老翁的話太失倫了。小生不敢輕信。

**前腔外** 驟聽吾言似不經。怎知道一飲啄尙有前

因你此時月下生疑詫。日後燈前細討論。童兒收  
拾書籍、我回去也、拄杖芒鞋歸去穩。已悔我輕饒  
舌。又何須苦辨明。下生背介。難道果然有這等事、  
待我再盤駁他一番。轉叫老翁不見驚介呀、忽然  
不見了、這樁事好生詫異也罷、我明日上京、少不  
得要從店北地方經過、不免去訪一訪、看可有個  
賣菜老嫗、與那二歲的女孩便是了、

幾處移家逐轉蓬

彩雲天遠鳳樓空

迷情更說何珍重

曾向瑤臺月下逢

第二齣 刺偶

一剪梅

老旦抱孩上

孤孀無計哺雛鷓，流落堪憐。

冷落誰憐，聊將賣菜度餘年。兩命絲懸，兩淚絲懸。

可憐榮戟舊門墻，一旦遭兵作戰場。我欲撫孤存。

趙脉，隻身流落在他鄉。老身陳氏，乃种府中蒼頭。

之婦，先節度老爺，止生得這位小姐，不幸遭祿山。

之亂，一家被害，老身懷抱小姐，逃到宋城店北地。

方，幸喜得賊氛漸息，只是故園已破，難圖玄鳥重。

歸，弱息猶存，誰念風雛垂盼，哎，好不苦楚人也，只。

得在此賣菜度日、且撫養小姐成人、再圖歸計、兒啼介呀、小姐睡醒了、不免喂他些粥飯、則個作喂

介

**師子序**傷家變。乏胤傳。這萌芽是中郎一綫。可憐

見煌煌華胄。僅留此點啼媛。若不是懷揣出兵亂

裏。也難免膏斧鉞。罹災殃。實溝渠。芳魂含怨。我想

老翁存日。有多少同官寮案。門生故吏。今日小姐

流落在此。總無一人存問。有誰念故交苗裔。弱息

饑寒。生策馬丑隨上。

**太平歌** 嘶紫燕不住拍金鞭。望咫尺人鄰封直恁遠。

爲功名怎惜身勞倦。要博個鴈塔聲名顯。前面是

那里了。**丑**店北地方。**生**昨晚老翁說我的妻子在

此處賣菜。娼家年甫二歲。小生今年到有二十餘

了。大小不倫。怎生相配。荒唐堪笑。老翁言豈有恁

般緣。**見**老旦大驚下馬。**問**介老婆子過來。

**賞官花** 問你這嬰孩幾年。爲何因泣矮簷根。苗須

直說心事暗相牽。**老旦**官人問他則甚。**生**骨肉亂

離多失散。尋踪覓跡到君前。

降黃龍。換頭。老旦。堪憐二命。笑。何事。郎君。驀然

垂吟。生。只講他幾歲。你姓甚麼。便了。老。你試覷他

嬌啼。婉轉。痛血。塊。呱呱。便遭多難。悲酸。背唱介。你

非至戚。爲何。將人。留戀。多管。有分毫。瓜葛。因此。相

咨詢。不肯。空旋。他年。方二歲。老身。姓陳。在此。賣菜

度日。生。背語介。呀。那老翁之言。我只道。荒唐。原來

果。有此女。他如今。纔得。二歲。我如何。等得。偏。要。拘

他。一。拘。不免。將這。孩子。刺死。難道。他十。五年。後。還

會。活。起來。與我。成親。不成。出。刀。刺。介。孩。大。啼。老。旦

驚跌叫介救人救人、生上馬加鞭急下、老旦哭介  
天殺的哩、

**衰通** 可憐他嬌雛一命懸。嬌雛一命懸。與爾何仇  
怨。只道窮途驀地逢親眷。誰料仇遭狹路生機變。  
專望街隣急救嬰兒喘。雜扮市人上介自不整衣  
毛、何須夜夜號、媽媽、你爲何哭倒在此、**老**小姐爲  
盜所傷、故此啼哭、**衆**小孩子有甚東西值得他算  
計、斷是與你家有仇的了、且看這孩子可救得活  
麼、**老**看介可喜可喜、只額間損了皮膚、雖然血流



不致傷命、我且裂下衣襟、裹了傷痕、再求醫治、

**香柳娘** 合謝穹蒼見憐。謝穹蒼見憐。刀痕入淺。不

過是額間滲血無傷喘。**雜**這女娃忒小、何必苦苦

守著他。**老**我怎生棄捐。我怎生棄捐。忠臣一脉延。

生死相依戀。**雜**這孤孀志堅。這孤孀志堅。我想程

嬰存趙氏之孤、千古頌其高義、你把血胤周旋、忠

貞同羨。只是此間在不得了、況且四方已漸平靜、

你何不抱著小姐、去找尋他父親的舊交、以圖收

養。**老**說得是、只是路遠時艱、缺少盤費。**雜**我們隨

力助你些銀錢。

**前腔** 贈你家數緡。贈你家數緡。少行方便。前途急

去投姻眷。**老** 只有相州王爺是我老爺好友。若去

投他。他或者收養不可知。望相州去。望相州去。

過。生死有盟言。交情今乃見。**雜** 這等說。你快去爲

是。老拜辭介。感高鄰曲全。感高鄰曲全。此去有機

緣。敢忘恩善。

**雜** 漫勞一飯報千金。**老** 且德被窮途。感自深。

**合** 誰道人情今古別。撫孤拯難有同心。

第三齣議親

**鵲橋仙**

生冠帶引衆上功名唾手榮華捉鼻所恨

良緣未偶。敝貂久已換重裘。只半幅孤衾照舊下

官鞵固自從。向年入京應舉。忝掇巍科。指望覓便  
還鄉。早完姻配。不想王事靡盬。不得自由。奔走風  
塵。一十餘載。今又陞了西川節度。不便歸里親迎。  
已曾差院子梅香去接潘衙小姐。到任成親去了。  
許久。想在旦晚到也。末扮院子丑扮梅香上。

**不是路**喜事成憂。百歲良緣一旦勾。見介院子梅

香帥頭、生你們來了、親事到門了麼、末丑老爺不  
要說起親事、多傷憊。山鷄無福配鴛儔。生驚介這  
是怎麼說、末潘小姐已死、將及一年了、病難瘳。香  
魂又已隨雲散。好事今當付水流。生怎麼有這等  
事、掩淚介姻緣繆。佳期將值悲分首。我想起月下  
老人之言、有些心疚。有些心疚。

**桂枝香** 撫新追舊。前言非謬。又誰知野語齊諧。倒  
做了玉言金口。只是一件、他當初說店北二歲的  
女孩、是我的妻室、却已被我刺死、眼見得這句話、

兒不、驗了、我如今少不得要娶一個續絃、還虧我  
這回天妙手、斷送了當年乳臭、不使他片言無漏、  
笑歎介、老人、老人、我還勸你、改正姻緣簿、莫待他  
年對問差、叫左右、外面喚箇官媒來、衆應下、我靠  
四年雖三十有餘、似我這等才名、又居了這般顯  
職、何求不遂、何事不成、我偏要選一個名門望族、  
絕世佳人、拘過那月下老人的話、

**前腔** 數音偏偶、機鋒相鬪、任伊行起死回生、難料  
我移申換酉、笑他把天書懸肘、天書懸肘、說甚麼

紅絲牢扣又道是人謀難就敢相等。既然魚水前  
生定爲甚的容人別下鈞。副淨扮媒婆上良媒不  
怕姻緣少、利嘴能招主顧多。韋老爺喚媒婆有何  
分付。生我家裏聘的夫人、不曾過門、竟物故了、如  
今要娶一房續絃、喚你做媒。第一要名門閨閣、第  
二要美貌多才、第三要年紀不可太大、不可太小、  
娶來就要當家理事的、你須要用心體訪。副淨媒  
婆曉得、一一中老爺意見便了。

**大趵鼓**忙將淑女求關雎不遠。只在河洲。老爺我

想相州王節度有個小姐，才貌俱全，年紀也有十七八歲了，恰投著老爺的機，只是說起填房二字，恐未必肯。  
**生**：若是王爺，他與我屢世通家，極相契厚，你去懇求，料無推阻。  
**副淨**：這等媒婆就去，好事多應就。朱陳孔李，既相投，喜酒媒錢落得收。

**生**：別有鸞膠續斷絃。

赤繩何用暗中牽。

**副淨**：心機能奪天機巧。

只用媒人不用仙。

第四齣 嬌妝

**似娘兒**

外冠帶引衆上。節制雄藩，看戶列貔貅百。

萬清如水、玉重如山、百辟嚴趨、禮絕攀、朝廷有道、  
青春好、門館無私、白晝開、下官王泰、官拜相州節  
度、昔年收養、種年兄之女、不覺的過了一十四載、  
年已及笄、且喜他容貌端妍、况又知書達理、一向  
爲之覓婿、須得一風流才子、纔了、下官這點心兒、  
恰好有西川節度韋固、尙未有室、遂將此女贅他、  
已曾擇下日期、須料理花燭之事、院子分付衆役  
迴避、請夫人小姐出來、衆下貼扮夫人、且扮小姐  
老旦扮保姆隨上



接雲鶴貼雲板遙傳。應是放衙歸院。且罷妝緩出。

香闈。且向尊前拜見。且見介。爹媽萬福。外貼我兒

坐了。老保姆叩頭。外夫人。下官年當半百。膝罕麟

兒。且喜此女長成。端妍秀麗。我一向留心擇婿。如

今有西川韋節度。原是通家之子。未有姻親。央人

來說合。我已許下了他。佳期定在明夜了。故此請

你出來。打點孩兒出閣之事。貼老爺妝奩俱已完

備。不煩費心。只是一件。指且介你看這如花似玉

女兒。可惜額上損了一點。用何方法。遮掩過了纔

好。外正是呢。

**黃鶯兒**

貼老旦合百媚沒譏彈止微瑕點額間怪

蜂針刺損柔花片。雖然是捏香牡丹微紅怎刪。還

只怕探花虐使尋花綻。

外下官會聞白鳳膏玄獺

髓可去疤痕只是急切中那討此物。

貼聞得昔日

壽陽宮主畫卧含章閣。忽紅梅落千額上。愈增妍

麗。後來宮中盡效梅妝。如今何不學他法子。將翡

翠梅花鈿粘在眉間。巧妝填除非是眉心小印。一

捻翠花鈿。

外說得有理。快取寶鈿翡翠過來。老旦

翠鈿綠

取上貼旦代旦點介

**前腔**并剪劈金蟬對菱花賦粉粘與鴉黃麝月分

香艷老旦小姐行幾步待我們看看旦行介貼旦

老旦笑介呀愈增嬌媚也比啼妝更妍較梅妝自偏一星兒襯出桃花面竟天然女媧妙手生補就

玉嬋娟雜扮官媒捧禮上紅氈包六禮綉戶供三星叩頭介外韋爺來了麼雜是韋老爺將到門了

**貓兒墜**油幢將近繡幙已紅牽獻禮介莫雁先將不腆傳準教明日跨青鸞誼闥看銀河鵲駕早會

雙仙。

前腔。妝成金屋。楚楚正堪憐。韋曲東牀宿世緣。春

風正及破瓜年。

合前

尾。神仙欲把新妝顯。特地微痕損。後天有分教香閣嬌容並效妍。

金屋藏嬌錦繡叢。定須才子作乘龍。

公孫開館招佳客。十二層樓倚翠空。

第五齣 證舊

珍珠馬

且艷服丑扮侍女捧妝盒上。彩鸞初跨秦

翠鈿綠

樓月仙史同吹簫韻徹甫得于飛叶幾度見郎羞

怯星初掣又報道曉妝時節浣溪紗屏開孔雀咏

河洲戶照三星遂好迷問年十七正嬌柔初學

帶冠從毋命鏡中却步見人羞花簪珠串插盈頭

奴家种氏幼蒙王公抱養視若親生年當及笄爲

我擇婿昨宵合卺那韋郎與奴家年齒雖不相當

喜得他美如冠玉十分惜玉憐香奴家獲配君子

可爲終身有托矣你看曙色臨窗鳥聲入耳恰是

曉妝時候了丑小姐犀梳菱鏡黛筆口脂雀兒粉

勿婚之能  
如是

翠花鈿件件在此請梳妝且對鏡介

**二郎神**鸞鏡徹較昨日臨妝慵困些繡枕初離睜

嬾揭丑代根介合新妝楚楚分明畫裏人兒只眉

際湘痕如淚疊待我與小姐貼上翠鈿貼翠介且  
將這翠花輕貼巧設誰道是寶色增加暗傷玉質

生紗帽繡披唱上

**集賢賓**陽臺雲雨剛半接温香受用方熱被鳥語

高枝聲轉折夢醒後香生衣褶下官與娘子成婚  
之後喜他嬌容麗質果是無雙只是眉心有一點

疤痕細覷疤痕眉隙。幸喜他慧心把翠花釧護住。  
效五出壽陽宮飾難臆測。因甚是玉容媒蘖娘子。  
你梳洗完了。揖介。旦答禮將扇遮面介。

**皂羅袍**

生眉嫵青青黛接似芙蓉出水丰神俊潔。

兩峰高壓翠眸斜。含羞頻感垂楊葉。近覷旦介。旦  
羞避介。生笑介。娘子。我和你百年恩愛。自今伊始。  
何必害羞。須將紈扇輕輕收摺。代收扇介。從今偃  
倚。喁喁不絕。背介。待我問他一聲。轉介。娘子。這眉  
間又止介。我幾番欲問。虞唐突。請問娘子這眉間。

一點疤痕從何而致。且羞不對與保姆快來介老

旦上

簇御林。銀河渡。剛屈節。拜介老爺小姐萬福。向雙

星稱喜謁。小姐叫老身做甚麼。敢是被韋爺纏得發羞麼。新婚便恁胡牽惹。他見孌嬌花未慣。狂蜂蝶。休忙襲用些兒軟款。彼此自疼熱。生笑介。到不爲此。老却是爲何。

皂羅袍

生有話喉間難咽。怪娘行眉際巧添翠葉。

真容反被假容遮。人工怎把天工借。老爺問這



個緣故麼說起來也話長。生何須委曲不妨直截。夫妻骨肉恁般澁怯。須煩保姆從頭說。老待老身說來。這位小姐原是節度種老爺所生。年方二歲便遭安賊之亂。我老爺一家被難。虧老身負了小姐。冒險而逃。

**簇御林**

他剛離母。又失爺。在我抱懷中啼帶血。那

時逃至店北地方賣菜糊口。忽然遇著一個奸徒走將過來。問老身之姓。與小姐之年。我不料他懷著歹意。以實告之。誰料他猛持匕首。將人刼痛瓊。

芽險被狂且折。被我喊叫起來，他慌張躍馬而去。幸小姐的福大，止傷得些皮膚，畧傷些花容似嘴。故把翠鈿遮。生大驚背介。這等說起來，依舊是我所刺的人兒了。

**鶯集御林春鶯啼序** 聽說出個中情節。好教人捫

心咋舌。**集賢賓** 那老人話言真怪謫。到如今纔將

人口滅。轉介保姆你道刺小姐的是誰。**老** 那裏曉

得。生自指介。是區區操寸鏡。**老** 且驚介。怎說是老

**翁** 簇御林。生娘行不惱聽詳說。下官旅宿宋城，開

行月下、遇一老人看書、我問他是何書、他道是人  
間婚牒、下官因問、我曾聘潘氏爲妻、成婚何日、他  
道那不是你的妻子、**三春**那道爾婦尙嬰雛、此時  
呵、在老婦懷中學哺、**老**呀、有這般奇事、**生**我次  
日策馬東行、果然見個老嫗、抱了一個女孩、

**前腔**猛見他懷揣嬰兒、懊恨這緣乖分劣、教我如  
何等耐者、我心中偏要使那老人之言不驗、故此  
要刺殺他、另行婚嫁、不覺的互生胸臆、便提刀直  
刺、只道這根芽都剗滅、誰料依然枝暗接、**三春**那

看玉樹帶微痕。果是婚姻前定也。老韋爺虧你當  
初下得這個毒手。

**二犯黃鸞兒**

爲甚的龍性偶同蛇。正人心忽地邪。

指旦介這嫩生生一命幾亡絕。生後來如何便投  
到王衙。老王老爺與我老爺是相厚同年。多謝他  
孤憐寡恤。收留撫挈。似親生骨肉無些別。到如今  
擇婿遴才。良緣歡洽。小姐你不要怪韋爺。只怪那  
月下老人。他不該早把天機漏泄。生看將起來。萬  
般都是命。半點不由人。窮通壽夭。那一件沒有個

定數婚姻其一端耳。人要拗命。可不錯了念頭。

**前腔**。機巧何須設。那冤親常互結。三生石上眸曾瞥。千磨百折。終難割絕。地天註定鴛鴦牒。額際刀痕轉。添嬌靨。千載後。這段奇緣勾說。侍兒們斟酒來。待我與夫人暢飲一回。你們高歌者。

**雙聲子**。雙眉冶。雙眉冶。輕翠貼。倍光燁。非扭捏。非扭捏。郎君傑。夫人哲。相顏頡。相顏頡。長和協。長和協。正妙舞清歌。醉花坐月。

**尾**。播管絃。霏玉屑。把定婚兩字。店中高帖。方信道。

飲啄皆由前定也。

生袁郎金鈿不成誇老旦更出梅妝弄晚霞

合今夜月明人盡望

有天教上且乘槎